

# E Sikovi Chile o Elder Stevenson



Era dau lako wavoki e vuravura na iApositolo me vei qaravi vei ira na tamata ka vakavulici ira me baleti Jisu Karisito.



Erau a lako o Elder Gary E. Stevenson kei Sister Lesa Stevenson vata kei President Russell M. Nelson kei Sister Wendy Nelson ki Chile me baleta e dua na itavi bibi sara. A laki vakatabui e dua na valetabu vou ena siti o Concepción!

Na valetabu vou totoka oqo e sa kena ikarua me tara e Chile ka ika 18 ni valetabu ena Ceva i Amerika.



Era a lako mai na gone kei na nodra itubutubu me rogoci Peresitedi Nelson ni cabora e dua na masu bibi me vakatabuya na valetabu.



Erau a veivuke o Laura kei Alicia O. ena kena biu na iotioti ni vatu ena taudaku ni valetabu. Oqo e vakatokai na vatunitutu ni valetabu. Sa qai vakarau tu na valetabu me vakatabui.



E dau levu na uneune e yaco e Chile. Na Valetabu e Concepción Chile e duatani sara na kena yavu me taqomaka mai na vakacaca ni uneune ke yaco e dua.

“Nikua e vakilai ni sa bau vakalomalagi dina sara ga.”

Oqo, sa rawa vei ira na lewe ni Lotu i Jisu Karisito ni Yalododonu Edaidai era bula kilikili mera curu ki loma ka vauci ki na nodra matavuvale ka vei qaravi ena caka papitaiso ena valetabu!